



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 260

DATUM: 17.05.2019.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši saradnik za finansijska pitanja
fax: + 387 33 552 810
gregor.juriscic@sogfbih.ba

Sadržaj biltena:

U Sarajevu održana Osmi
sjednica Predsjedništva
Skupštine Saveza općina i gra-
dova FBiH

Pristupanje Evropskoj uniji i lo-
kalne vlasti u BiH, regionalna
politika i strukturni elementi

Predstavnik SOGFBiH na EBRD-
ovoj Godišnjoj skupštini i biznis
forumu

Građani Sarajeva dobili Park
"Šuma prijateljstva"

Najava obilježavanja Dana
općina i gradova za mjesec
maj/svibanj

Bilten Saveza općina i gradova Federacije Bosne i Hercegovine

U SARAJEVU ODRŽANA OSMI SJEDNICA PREDSJEDNIŠTVA SKUPŠTINE SAVEZA OPĆINA I GRADOVA FBiH

Osmi redovna sjednica Predsjedništva Skupštine Saveza općina i gradova Federacije Bosne i Hercegovine održana je danas, 16. maja/svibnja 2019. godine u Sarajevu. Na današnjoj sjednici članovi Predsjedništva su se detaljno upoznali sa nizom aktivnosti koje je Savez poduzeo između dvije sjednice.

Jedna od ključnih tačaka dnevnog reda bila je inicijativa Općine Centar Sarajevo za zaštitu prava na lokalnu samoupravu koja je povrijeđena donošenjem Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritorij kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50 posto ukupnog kapitala.

- Pored toga što je ova Uredba donesena suprotno odredbama Zakona o principima lokalne samouprave, ova Uredba je otišla i korak dalje uvođenjem sistema supervizije prilikom provođenja procedure javnog oglasa za prijem uposlenika od strane kantonalne vlasti čime se direktno, i to Uredbom, mijesha u isključivu nadležnost jedinica lokalne samouprave - istakao je načelnik Općine Centar Sarajevo g-din Nedžad Ajnadžić.

Načelnik Općine Trnovo, g-din Ibro Berilo je naglasio da su jedinicima lokalne samouprave u Kantonu Sarajevo oduzete sve nadležnosti osim Zakona o građevinskom zemljištu, te je rekao kako općinama u KS veći problem predstavljaju uredbe, nego zakoni.

Članovi Predsjedništva zaključili su da se se u Kantonu Sarajevo pokrene aktivnost oko obustave primjene Uredbe, odnosno stavljanje iste van snage i da se ispita ustavnost i usklađenost sa Zakonom o principima lokalne samouprave u FBiH sa svih zakonskih rješenja u KS.

Osim ove tačke članovima Predsjedništva su predstavljene i aktivnosti Saveza oko izrade Analize pripadnosti javnih prihoda jedinicama lokalne samouprave u FBiH, koja će poslužiti kao validan argument za pokretanje inicijative Saveza za izmjenu Zakona o pripadnosti javnih prihoda u FBiH, na način da se poveća udio općina i gradova u raspodjeli javnih prihoda od indirektnih poreza, te prihoda od poreza na dohodak i poreza na dobit. Naime, osnovu za novu raspodjelu prihoda predstavlja činjenica da su se od 2006. godine, kada je donesen trenutni procenat raspodjele prihoda od indirektnih poreza općinama i gradovima, prihodi općina i gradova od indirektnih poreza konstantno relativno umanjivani u odnosu na prihode viših razina vlasti temeljem otplate vanjskog duga FBiH, od kojeg jedinice lokalne samouprave često nisu dobivale sredstva i uživale koristi, dok su, istovremeno, rashodi općina i gradova rasli, jer su im sa viših nivoa vlasti prenošene nadležnosti bez prijenosa finansijskih sredstava za izvršavanje tih nadležnosti.



Detalj sa Osmi sjednice Predsjedništva Skupštine Saveza



Rotacija predsjednika i zamjenika predsjednika Predsjedništva Skupštine SOGFBiH

Također je dogovoreno da će se potpisivanje Sporazuma o saradnji između Saveza općina i gradova FBiH sa Predstavničkim domom Parlamenta FBiH provesti na Skupštini Saveza, koja je planirana 26. juna 2019. godine u Nemu, te da će Savez kao pravni sljednik moći zastupati interese svojih članica u Parlamentu FBiH.

Na kraju sjednice je upriličena rotacija predsjednika i zamjenika predsjednika Predsjedništva Skupštine Saveza u skladu sa Statutom Saveza. Do sljedećeg izbora novog saziva Predsjedništva predsjedavajući će biti Ivan Vukadin, načelnik Općine Tomislavgrad, a zamjenik će biti Hamdo Ejubović, načelnik Općine Hadžići.

Istaknuta je potreba solidarisanja sa jedinicama lokalne samouprave koje se susreću sa poplavama koje su nedavno zadesile našu zemlju.

PRISTUPANJE EVROPSKOJ UNIJI I LOKALNE VLASTI U BiH, REGIONALNA POLITIKA I STRUKTURNI ELEMENTI



Branko Bago, načelnik Općine Posušje

Savez općina i gradova Federacije Bosne i Hercegovine u saradnji sa Savezom opština i gradova Republike Srpske i Švedskim savezom regionalnih i lokalnih vlasti (SALAR) proveo je analizu utjecaja pristupanja Evropskoj uniji na lokalne vlasti u Bosni i Hercegovini. Analiza je urađena u sklopu Projekta „Jačanje saveza općina i gradova u Bosni i Hercegovini“, koji finansira Vlada Švedske i Vlada Švicarske.

Kao što smo u ranijim izdanjima biltena Saveza općina i gradova FBiH pisali, analiza je provedena iz pet oblasti pravne stečevine EU i to: „Javne nabavke“, „Zapošljavanje i socijalna

zaštita“, „Regionalna politika i strukturni elementi“, „Ruralni razvoj“, „Životna sredina i komunalne usluge“.

S obzirom da je riječ o veoma značajnoj analizi za jedinice lokalne samouprave, predstavnici Saveza općina i gradova FBiH su ranijim brojevima biltena uz pomoć relevantnih sagovornika predstavili dvije oblasti i to: „Javne nabavke“ i „Zapošljavanje i socijalna zaštita“, gdje su sagovornici napravili osvrt na kratki sažetak Izvještaja, te dali sugestije i komentare na isti.

U ovom tekstu objavljujemo komentare načelnika Općine Posušje, g-dina Branka Bage na treću oblast koja nosi naziv „Regionalna politika i strukturni elementi“.

Prijedlog za rješenje navedenih finansijskih problema je osnivanje kreditno-jamstvenog fonda koji bi služio kao podrška pri realizaciji projektnih aktivnosti i poticaj onih općina i ostalih prihvatljivih prijavitelja kojim je to bila glavna prepreka do sada“ - ističe načelnik Bago

Nedostatak finansijske autonomije na lokalnom nivou je ozbiljna prepreka za napore cjelokupne zemlje da efikasno apsorbira sredstva EU

„Općina Posušje aktivno učestvuje u prijavi i provedbi programa prekogranične saradnje. Problemi, odnosno poteškoće u provedbi projektnih aktivnosti programa prekogranične saradnje je svakako nepovoljna finansijska struktura dostupnih programa, odnosno nedostatak budžetskih sredstava i potreba za kreditnim zaduženjima. Prijedlog za rješenje navedenih finansijskih problema je osnivanje kreditno-jamstvenog fonda koji bi služio kao podrška pri realizaciji projektnih aktivnosti i poticaj onih općina i ostalih prihvatljivih prijavitelja kojim je to bila glavna prepreka do sada“ – ističu u Općini Posušje.

Savezi općina i gradova bi trebali zagovarati princip partnerstva kada se radi o planiranju i praćenju IPA pomoći u BiH. To je formalni uslov za strukturne fondove EU – regionalne, lokalne i/ili gradske vlasti su među akterima koji moraju biti uključeni. Savezi općina i gradova bi posebno trebali nastojati da učestvuju u sektorskim odborima za praćenje i općem Odboru za praćenje IPA. Trebaju također osigurati da Delegacija EU (koja je trenutno zadužena za upravljanje IPA fondovima) bude svjesna konstruktivne uloge koju namjeravaju imati.

Općine bi mogle pomoći da se popuni strateški vakum u BiH, oslanjajući se na svoja iskustva na izradi strategija lokalnog razvoja upotrebom Metodologije integriranog planiranja razvoja (koju sponzorira UNDP i Agencija za razvoj i saradnju Švicarske). To uključuje podstrategije i akcione planove u sektorima poput poljoprivrede, turizma i malih i srednjih preduzeća, te za grupe poput mladih, Roma i izbjeglica. Savezi općina i gradova bi mogli koordinirati ove napore primjenom pristupa odozdo ka gore kako bi se sredstva EU u BiH koristila na efektivniji i u većoj mjeri strateški čin.

Nedostatak finansijske autonomije na lokalnom nivou je ozbiljna prepreka za napore cjelokupne zemlje da efikasno apsorbira sredstva EU. Kvalitetna lista projekata zavisi od finansijskih i ljudskih resursa na svim nivoima u svrhu strateškog planiranja, pripreme projekata, pred-i sufinansiranja, provedbu, finansijske kontrole i evaluacije. Diskusije o reformi međuvladinih finansija bi u obzir trebale uzimati potrebu za izgradnjom kapaciteta na lokalnom nivou. Vlasti sa viših nivoa bi takođe mogle pomoći putem državnih ili entitetskih fondova za pripremu i provedbu programa (kao što je Zeleni fond koji je uspostavilo Ministarstvo poljoprivrede i zaštite životne sredine Republike Srbije).

Savezi općina i gradova imaju ključnu ulogu u širenju dobrih praksi i pružanju pomoći pri smanjenju administrativnog opterećenja pojedinačnih općina. Oni mogu učiti iz iskustva saveza u zemljama kandidatima i državama članicama EU i postaviti za cilj da u budućnosti budu direktno uključeni (kao korisnici ili administratori programa bespovratne pomoći za općine) u aktivnosti koje se finansiraju putem IPA fondova vezane za jačanje decentralizacije i dobro upravljanje.

PREDSTAVNIK SOGFBİH NA EBRD-OVOJ GODIŠNJOJ SKUPŠTINI I BIZNIS FORUMU

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmamed.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu



Gregor Jurišić, predstavnik SOGFBİH

Predstavnik Saveza općina i gradova Federacije BiH, Gregor Jurišić, prisustvovao je 8. i 9. maja/ svibnja 2019. godine na Godišnjoj skupštini i biznis forumu Evropske banke za obnovu i razvoj-EBRD. S temom „Povezivanjem ekonomija do jačeg rasta“, EBRD-ova konferencija okupila je više od 3.000 predstavnika međunarodne poslovne zajednice, investitora, visokih vladinih dužnosnika (guverneri EBRD-a, ministri financija, ekonomije, trezora ili Centralne banke) te predstavnika organizacija civilnog društva.


U okviru Godišnjeg sastanka održano je više od 40 sesija i sastanaka, od kojih su mnogi bili od izuzetnog značaja i interesa za lokalne zajednice: sesija Zeleni gradovi i općinska infrastruktura- ulaganja u projekte i izgradnja povjerenja, Održivi i inkluzivni turizam u Jugoistočnoj Europi, mogućnosti investiranja u Bosni i Hercegovini, diskusija o transportnoj strategiji EBRD-a, EBRD-ovi projekti u području energetske politike i upravljanja prirodnim resursima, povećanje sudjelovanja građana u procesima odlučivanja, javne nabavke u funkciji poboljšanja poslovnog okruženja i sl.



Naznačeno je da su u projekt EBRD-ovih tzv. „zelenih gradova“ (green cities), koji impliciraju ekološke projekte i investicije, koje doprinose očuvanju okoliša, već uključena 3 grada iz BiH: Sarajevo, Zenica i Banja Luka. Oblasti koje obuhvaća Akcijski plan za zelene gradove, čiju implementaciju za bh. gradove podržava EBRD, su upravljanje vodama i otpadom, kvalitetom zraka, zeleni gradski prijevoz, ulična rasvjeta, cool heating projekti (daljinsko grijanje i hlađenje na bazi obnovljivih izvora energije), prostorno planiranje, obnovljivi resursi te klimatske promjene.

Također je istaknuto da je EBRD dosad uložila 2,3 milijarde eura u 159 projekata u BiH, pretežito u transportne i energetske infrastrukture, dok su kao posebno kvalitetne i profitabilne mogućnosti za ulaganja u BiH, s obzirom na njene potencijale i prirodna bogatstva, izdvojeni IT sektor, turizam, automobilska industrija, poljoprivredna i prehrambena industrija, te drvna industrija.

GRADANI SARAJEVA DOBILI PARK „ŠUMA PRIJATELJSTVA“



Sarajevska oaza mira

Stari Grad je bogatiji za još jednu oazu mira, prirode i čistoće. Na lokalitetu Grdonj otvoren je Park "Šuma prijateljstva" zahvaljujući odličnoj saradnji Kantonalnog javnog preduzeća Sarajevo-šume, Generalne direkcije za šumarstvo Republike Turske i Općine Stari Grad.

Ovaj moderno uređeni park, na putu prema izletištu Barice, građanima nudi brojne sadržaje i aktivnosti u prirodi, a udaljen je svega dvadesetak minuta vožnje od Bašćaršije i prvi je takve

Vrste u Bosni i Hercegovini.

Park "Šuma prijateljstva", koji se prostire na površini većoj od šest hektara posjeduje uređene staze za šetnju, amfiteatar, dječije

igralište, sprave za vježbanje, šadrwane, hladnjake, restoran, suvenirnice, pet javnih česmi, portirnicu i druge sadržaje. Osim toga, Park šuma prijateljstva ima i malo vještačko jezero, prostor za piknike, te veliki vidikovac.

Put do otvorenja je bio jako dug i počeo je još daleke 2010. godine kada se prvi put spomenula ideja pravljenja jednog ovakvog parka prirode nadomak srca Sarajeva. „Udruženim snagama prvenstveno Generalne direkcije za šumarstvo Republike Turske, Općine Stari Grad, Udruženja inženjera i tehničara šumarstva FBiH, Ministarstva privrede Kantona Sarajevo, TIKA-e, firme Natron-hayat d.o.o. i naravno našeg preduzeća dočekali smo da ovaj jedinstveni projekat ne samo u našem gradu, već i u cijeloj Bosni i Hercegovini, ugleda svjetlo dana“, ponosno je kazao Nermin Demirović direktor KJP „Sarajevo-šume“, koje će upravljati i rukovoditi ovim prirodnim parkom.



Park "Šuma prijateljstva" obogaćen brojnim sadržajima



Grb Općine Stari Grad



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: press@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook

Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: press@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC MAJ/SVIBANJ

-20. maj/svibanj - Dan Općine Bugojno. Na ovaj datum 1886. godine prvi put zasjeda Gradsko vijeće Bugojna, što predstavlja i prvi oblik parlamentarizma, demokratije i političkog djelovanja kroz državne institucije vlasti. Inače, Bugojno kao selo prvi put se spominje 1574. godine.

- 23. maj/svibanj - Dan Općine Kalesija. Na ovaj dan 1992. godine jedinice Armije BiH oslobodile su uže područje Kalesije čime je postala prvi oslobođeni grad u BiH.

- 24. maj/svibanj - Dan Općine Čitluk. Na taj dan 1306. godine Čitluk, odnosno Brotnjo, prvi put se spominje u trgovačkim odnosima sa Dubrovnikom.

- 25. maj/svibanj - Dan Općine Bosanski Petrovac.



Općina Bugojno



Općina Kalesija



Općina Čitluk



Općina Bosanski Petrovac

